



Vandalissem avon casa da scola a Rabius

Las notgs dils 23-07 sils 24-07-2023 e dils 10-08 sils 11-08-2023 han persunas nunenconusentas fatg acts da vandalissem avon casa scola da Rabius. Tals acts ein inacceptabels ed astgan buca succeder pli. Persunas che han viu zatgi sin plaz scola las notgs menziunadas ni indezis dallas persunas responsablas per il vandalissem ein supplicadas d'annunziar quei all'administraziun communal. Per damondas stat l'administraziun communal bugen a Vossa disposiziun.

Sumvitg, 01-09-2023

Suprastonza communal

REFERENDUM FACULTATIV

La radunonza communal dils 23-08-2023 ha priu denter auter il suadont conclus:

- *Tractaziun ed approvaziun dil credit brut da 300'000 francs per la planisaziun dall'ovra Resgia a Rabius*

Sura conclus ein sutposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 21-09-2023. Il referendum sa buca vegnir retratgs.

Sumvitg, 01-09-2023

Suprastonza communal

Protocol dalla radunonza communal dils 23-08-2023

Naven dils 01-09-2023 ei il protocol dalla radunonza communal dils 23-08-2023 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl.

L'administraziun communal porscha plinavon in abbonament en fuorma da pupi.

Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront il temps d'exposiziun tier la suprastonza communal.

Sumvitg, 01-09-2023

Administraziun communal

Deponia da verd

Adina puspei sto vegnir constatau ch'ei vegn dismiss verd avon il gatter dalla deponia. La suprastonza communal supplichescha da dismetter il verd tenor las determinaziuns.

Il suandont ei lubiu da dismetter:

Deponia da caglias

- caglias e roma cun diameter sur 4 cm
- bests da plontas
- pignola senza material jester

Deponia da verd

- roma, dascha e caglias cun diameter entochen 4 cm
- fluras
- tagl da pastget e prau
- fein e strom
- feglia, zercllem e puma curdada
- fluras da balcon e da ruogs cun tratsch, denton senza ruog
- curdems da preparar fretgs, puma e legums
- cordas e sacs cumpostibels
- scorsa
- resgem e stialas da lenna buca tractada
- crosas d'ovs
- fundagl da caffè e jarvas da te

La deponia ei aviarta sco suonda:

- mardis: 17.00 – 20.00 uras
- gievgia: 17.00 – 20.00 uras
- sonda: 09.00 – 12.00 uras

Nus engraziein per Vossa collaboraziun. Ulteriuras informaziuns ein disponiblas sin la pagina d'internet www.sumvitg.ch. Nus supplichein per enconuschientscha e capientscha.

Sumvitg, 01-09-2023

Departament ambient

Uniun da gimnastica dunnas Rabius

Invitaziun alla radunonza generala, 8-9-2023 allas 19.30 el Hotel Greina.

Novas commembras ein cordialmein envidadas alla radunonza. Suenten il motto « mudregia in tec tiu tgierp, schioc mudregia el cul temps tei » animein nus las dunnas da star fit, da mentener e da migliurar la sanadad. Noss'uniun organisescha duront igl onn ora in program variont. Nus planisein uonn puspei dapli gimnastica en sala. Pli biaras che prendan leu part, e pli sempel ch'igl ei da pinar tier ina lecziun. Dasperas mein nus cun festa, organisein spassegiadas da glina pleina, trer rudialas ni simplamein sentupadas da cumpignia. La presidenta e menadra Sandra selegra ensemen culla suprastonza sin voss'annunzia. (078 913 07 10). Cun salids sportivs *la suprastonza*

Infurmaziun: Impediments da traffic sin la via sursilvana tranter Sumvitg e Mustér

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals **11 da settember fin ils 14 d'october** datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.00.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da guaud e privels da la natira engrazian per Vossa chapientscha.

Glion, igl 01 da settember 2023

Viafier retica Uffizi da guaud e privels da la natira

Hinweis Verkehrsbehinderungen Oberalpstrasse zwischen Sumvitg und Disentis/Mustér

Die Rhätische Bahn führt auf der Oberalpstrasse im Gebiet Grep da Ferm Felssicherungs- und Steinschlagschutzmassnahmen aus.

Vom **11. September bis 14. Oktober** kommt es deshalb jeweils von Montagabend bis Samstagmorgen von 22.00 bis 05.00 Uhr zu Behinderungen und Wartezeiten bis 30 Minuten auf der Oberalpstrasse H19.

Für Auskünfte steht die örtliche Bauleitung, tur GmbH, unter Tel. 078 843 93 84, zur Verfügung.

Die Rhätische Bahn und das Amt für Wald und Naturgefahren danken für Ihr Verständnis.

Ilanz, den 01. September 2023

Rhätische Bahn Amt für Wald und Naturgefahren

Apparat d'udida

Gliendisdi, ils 11 da settember 2023 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.

Biblioteca Trun

Prelecziun da Guido I. Tomaschett dil cudisch «Cavardiras» mardis, ils 12 da settember 2023, allas 19.00

El presenta siu roman che setracta dil temps dalla construcziun dalla Viafier Retica da Glion tochen Mustér e dil viaduct Russein ord la vesta dad in da Mustér emigraus en l'America e che tuorna e tscherca ses fastitgs famigliars. *Cordialmein envida il team dalla biblioteca*

Ludoteca Disentis/Mustér e contuorn

Sera da giugs – 13-9-2023

Mira vischnaunca Mustér

Di da portas aviartas > mira vischnaunca Mustér